

庶物類纂

石屬
自二十三至二十四

容

太政官文庫			
和	特別	一	二
書	類	三	六
門	類	二	二
		第	五
		十	四
		冊	架
四	六	五	九

內閣文庫			
番號	和	32362	
冊數	465(141)		
函號	特	54	1

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale

G Y M

© Kodak, 2007 TM: Kodak







庶物類纂石屬卷之二十三目次


石肺

石脾

砒石


土黃

庶物類纂 石屬目次




石肺

一名石肝
錄藥



石屬

石肺



石肺

石肺一名石肝，黑澤有赤文如肺肝，置水中即乾濡，生益氣明目，生水中。晉李當之藥錄

肺石周禮以肺石達窮民，允遠近孤獨老幼之欲，有復於上，而其長弗達者，立於肺石。肺石赤石也。梁大監中於公車府設謗木，肺石置函，欲有橫議投謗木於函。五年詔曰：朕晦旦齋居，惟刑是恤。三辟五聽，寢興載懷，故陳肺石於都街。宋孔侯白長安故宮闕前有唐肺石，尚在其制，如佛寺所繫響。

石而甚大可長八九尺形如人肺亦有款志但漫剝不可讀秋官大司寇以肺石達窮民原其義乃伸寬者擊之立其下就士師聽辭如今之搗登聞鼓也所以肺形者便於垂又肺主聲聲所以達其冤也

宋陳襄文

昌雜錄

大司寇以嘉石平罷民凡萬民之有罪過而麗于法害于州里者桎梏而坐諸嘉石以肺石達窮民凡民有冤抑而訴于上者立于肺石士聽其辭以告于王注云嘉石文石也樹之外朝門左罷民未入圜土平


之以嘉石使之思其文理肺石赤石也

明彭大翼山堂肆考

石屬

石肺

三



石脾

一名胃口

藥錄

一名胃石


同上

一名腎石

同上

石脾

石脾一名胃石一名腎石赤文治胃中寒
熟錄晉李當之藥。說郛



砒石

一名信石
者名砒霜
本目
草
一
名
人
言
生
者
名
砒
黄
鍊

同上

同上

同上

石屬

砒石

一

砒石

一童子頭有瘍遇人以藥傳之童子頭瘡不可忍爬搔見血至以頭觸柱至夕竟死蓋其藥有砒見血即害人矣吾聞之文誠云雒陽孟熙

凡人誤服生砒唯單飲生油以吐為度則其毒氣自消不能為害宋張季明醫說

人食斷腸草而死虎食之而百日不饑人食砒霜而死龍食之而肥人物異性有如此者客退紀談

砒霜舊不著所出郡縣今近銅山處亦有之惟信州

者佳其塊甚有大者色如鴛子黃明微不雜此類本處自是難得之物每一兩大塊真者人競珍之市之不啻金價古服食方中亦或用之必得此類乃可入藥其市肆所蓄片如細屑亦夾土石入藥服之為害不淺誤中解之用冷水研菜豆漿飲之乃無也本草圖經砒霜瘡家或用纔過劑則吐瀉兼作須濃研菜豆汁仍兼冷水飲得石腦油即伏今信州鑿坑井下取之其坑常封鎖坑中有濁渌水先絞水盡然後下鑿取生砒謂之砒黃其色如牛肉或有淡白路謂石非石

謂土非土磨研酒飲治癰積氣有功纔有火更有毒不可造次服也取砒之法將生砒就置火上以器覆之令砒煙上飛着覆器遂凝結累然下垂如乳尖長者為勝平短者次之圖經言大塊者其大塊者以是下等片如細屑者極下也入藥當用如乳尖長者直須詳謹宋寇宗奭本草衍義別說云謹按今信州玉山有砒井官中封禁甚嚴生不夾石者色赤甚如雄黃以冷水磨解熱毒治痰壅甚効近火即殺人圖經所謂不啻金價者此也若今

市人通貨者即取山中夾砂石者燒煙飛作白霜乃
碎屑而芒刺其傷火多者塊大而微黃則圖經所謂
如鴛子色明徹者此也古方並不入藥唯見燒煉丹
石家用近人多以治瘡然大意本以生者能解熱毒
蓋瘡本傷暑故用今俗醫乃不究其理即以所燒霜
用服之必吐下因此幸有安者遂為定法雨後所損
極多不可不慎也初取飛燒霜時人在上風十餘丈
外立下風所近草木皆死又多見以和飯毒鼠若猫
犬食死鼠者亦死其毒過於射罔遠矣可不察之又

衡山所出一種力差劣於信州者云

宋唐慎微
證類本草

砒性猛如貔故名惟出信州故人呼為信石而又隱
信字為人言○此乃錫之苗故新錫器盛酒日久能
殺人者為有砒毒也生砒黃以赤色者為良熟砒霜
比白色者為良

明李東璧
本草綱目

砒乃大熱大毒之藥而砒霜之毒尤烈鼠雀食少許
即死猫犬食鼠雀亦殆人服至一錢許亦死雖鉤吻
射罔之力不過如此而宋人著本草不甚言其毒何
哉此亦古者礬石之一種也若得酒及燒酒則腐爛

麻物類考卷之三十一
腸胃頃刻殺人雖綠豆冷水亦難解矣今之收瓶酒者往往以砒烟熏瓶則酒不壞其亦嗜利不仁者哉飲酒潛受其毒者徒歸咎于酒耳此物不入湯飲惟入丹丸凡痰瘡及齁喘用此真有劫病立地之效但須冷水吞之不可飲食杯勺之物靜卧一日或一夜亦不作吐少物引發即作吐也其燥烈純熱之性與燒酒焰消同氣寒疾濕痰被其劫而拂鬱頓開故也今烟火家用少許則爆聲更大急烈之性可知矣此藥亦止宜于山野藜藿之人若嗜酒膏粱者非其所


宜疾亦再作不慎口慾故爾凡頭瘡及諸瘡見血者不可用此其毒入經必殺人李樓奇方云一婦病心痛數年不愈一醫用人言半分茶末一分白湯調下吐痰血一塊而愈得日華子治婦人血氣心痛之旨乎同上

草家皆言生砒輕見火則毒甚而雷氏治法用火煨今所用多是飛鍊者蓋皆欲求速效不惜其毒也曷若用生者為愈乎同上

李氏曰砒石性猛如貔故名出信州近錫坑處有之

鑿坑下取生砒謂之砒黃色如牛肉或有淡白路謂石非石謂土非土一種碎屑夾石者乃燒煉去夾石凝結者大塊色微黃毒更甚凡入藥用必須生者中此毒以菜豆粉糞清冷水皆可解明倪朱謨本草彙言陶華字尚文餘杭人其治病有神效一人患病因食羊肉涉水結於胸中其門人請曰此病下之不能吐之不出當用何法陶曰宜食砒一錢門人未之信也乃以他藥試之百計不效卒依華語一服而吐遂愈門人問之曰砒性殺人何能治病陶曰羊血大能解

砒毒羊肉得砒而吐而砒得羊肉則不能殺人是以其知其可愈鄉人抱奇疾他醫不能治者尚文輒能愈之後來省郡治傷寒一服即愈神效莫測名動一時所著傷寒六書曰瑣言曰家秘曰殺車槌法曰截江網曰一提金曰明理續論仲景以後一人而已明陶尚文華○明徐象梅兩浙名賢錄攷砒石出信州玉山有砒井故亦名信又隱信字為人言此井官封禁取甚嚴然他處出銅錫之山往往有之生者名砒黃赤色毒緩以火煉之令烟上著器



內凝結如白霜者名砒霜毒尤熱烈若遇酒及燒酒
尤腐爛腸胃頃刻殺人

明王儀部先生箋
釋醫救死傷法

用砒硝各一兩為末入鍋大火作汁尾口候無烟傾

入槽淨有一兩五錢

死砒法○明羅
周彥醫宗粹言

信石一名砒霜色黃如鴉子明徹不雜每一兩一塊

者為真不啻金價古方亦食之必此類乃可入藥市

肆者片如細屑亦夾土石入藥服之為害近銅山中

俱有惟信州者佳故名信

明范貞一
典籍便覽

砒礪石皆大熱大毒之物本草載藥數千種皆治

病之物療病何嘗不愈而偏用此耶鎮亦收此入籍

正謂言其大毒欲人知警作鑑遺人原不使人妄服

也

清何培元本草
綱目類纂必讀

砒石生者名砒黃煉者名砒霜信州玉山有砒井官

中封禁甚嚴每鑿坑井下取之坑中有濁綠水先絞

水盡然後下鑿取生砒謂之砒黃此生砒不夾石者

色赤甚於雄黃今市貨者取山中夾有砂石之砒燒

烟飛作白霜乃碎屑而芒刺其傷火多者塊大而微

黃大抵此種為大熱大毒之物加以火煨其毒益不


可嚮通今俗醫不明此理輒以所燒霜服之必大吐
下即幸有不致殞生者而所損已多是不可不慎也
李時珍曰生砒黃以赤色者為良熟砒霜以白色者
為良清劉若金
本草述

砒霜係砒黃飛鍊而成砒黃既已有毒復兼火氣煨
煉則毒愈甚故味苦酸氣大熱性大毒初燒霜時人
立上風十餘丈外其下風所近草木皆死毒鼠鼠死
猫犬食之亦死人服至一錢立斃若酒服及燒酒服
則腸胃腐爛頃刻殺人雖菜豆冷水亦無解矣奈何

以必死之藥治不死之病惟膠痰牢固為瘡不
得已借此酸苦涌泄吐之及殺蟲枯痔外敷之用清
馮


兆張錦
囊秘錄

凡燒砒霜質料似土而堅似石而碎穴土數尺而取
之江西信郡河南信陽州皆有砒井故名信石近則
出產獨盛衡陽一廠有造至萬鈞者凡砒石井中其
上常有濁綠水先絞水盡然後下鑿砒有紅白兩種
各因所出原石色燒成凡燒砒下鞠土窯納石上上
砌曲突以鐵釜倒懸覆突口其下灼炭舉火其烟氣




從曲突內熏，貼釜上度其已，貼一層厚，結寸許，下復
息火，待前烟冷定，又舉次火熏，貼如前一釜之內數
層已滿，然後提下，毀釜而取砒，故今砒底有鐵沙，即
破釜滓也。凡白砒，止此一法。紅砒，則分金爐內銀銅
惱氣有閉成者，凡燒砒時，立者必于上風十餘丈外，
下風所近草木皆死，燒砒之人，經兩截，即改徙，否則
鬚髮盡落。此物生人，食過分厘，立死。然每歲千萬金
錢，速售不滯者，以晉地菽麥必用伴種，且驅田中黃
鼠害，寧紹郡稻田必用蘸秧根，則豐收也。不然，火藥


為染銅需用能幾何哉。清宋應星
天工開物
機謹按伴種疑拌種之誤也。



土黃



石屬 土黃



土黃

用砒石二兩木鼈子仁巴豆仁各半兩礶砂二錢為末用木鼈子油石腦油和成一塊油裹埋土坑內四十九日取出劈作小塊明李東璧本草綱目器收用

廣物類纂石屬卷之二十四目次

礪石

特生礪石

握雪礪石

鶴石

本草綱目卷之十四

礬石

一名立制石神農本草 一名固羊石同上 一名太白

石別名醫錄 一名石鹽同上 一名澤乳吳普本草 一名鼠

鄉同上 一名白礬石本草細目 一名青介石同上 一名

立志石山海經廣註

本草綱目卷之十四

石屬 礬石

礬石

稟氣方殊，舛錯理微。礬石殺鼠蠶，食而肥。物性雖反，

齊之一歸。晉郭璞山海經圖讚

說文曰：礬，毒石也。

山海經曰：臯塗之山有白石焉，名曰礬，可以毒鼠。今

礬石殺鼠蠶，食之而肥。

范子計然曰：礬石出漢中，色白者善。

湘州記曰：湘東山多礬石。

博物志曰：鶴伏卵時，取礬石週遶卵，以助暖氣。方術

家取鵲巢中礬石為真

機謹按鵲當作鶴

荊州記曰湖縣鹿山舍傍多礬石每至嚴冬其上不得停霜雪

盛弘之荊州記曰魚復縣岸崩將出礬石

吳興記曰長成縣有白石山出白礬石極精好已上太平

御覽

興元城固縣產礬石不可勝計與凡土石無異雖數十百擔亦可立取然其性酷烈有大毒非置瓦甕中

煨三過不可用然猶動能害人尤非他金石之比千

金有一方用礬石輔以乾薑烏頭之類名曰奴露宿

丹其酷烈可想見也

宋陸游老學庵筆記

靜息帖云礬石深是可疑事兄熹患散輒發癰散者

寒食散之類散中蓋用礬石是性極熱有毒故云深

可疑也劉表在荊州與王粲登障山見一岡不生百

草粲曰此必古冢其人在世服生礬石熱蒸出外故

草木焦滅鑿看果墓礬石滿塋又今洛水冬月不冰

古人謂之溫洛下亦有礬石今取此石置瓮水中水

亦不冰又鶴伏卵以助暖氣其烈酷如此固不宜餌
服子敬之語實然聊附于此○異苑魏武北征踰嶺
升嶺眺矚見山岡不生百草王粲曰是古冢此人在
世服礬石而石生熱蒸出外故卉木焦滅即令發看
果得大墓內有礬石滿塋○此段本草礬石部此云
劉表登障山當別有出宋黃長睿東觀餘論
機謹按宋姚寬西溪叢語載異苑魏武北征之事
而言據本經礬石性寒異苑云熱蓋誤矣此姚氏
因不知礬字礬字之誤也異苑之說草冢或有連

礬石條者甚非也又叢語云魏武六年平烏丸王
粲猶在荊州其說非也一云粲在荊州與劉表登
彰山嘗見此異

讀黃伯思東觀餘論內評王大令書一節曰靜息怡
云礬石深是可疑事兄熹患散輒發癰散者寒食散
之類散中蓋用礬石是性極熱有毒故云深可疑也
劉表在荊州與王粲登障山見一岡不生百草粲曰
此必古冢其人在世服生礬石熱蒸出外故草木焦
滅鑿看果墓礬石滿塋又今洛水冬月不冰古人謂

之温洛下亦有礬石今取此石置甕水中水亦不冰
又鶴伏卵以助煖氣其烈酷如此固不宜餌服子敬
之語實然淮南子曰人食礬石死蠶食之而不饑予
仲兄文安公鎮金陵因秋暑減食當塗醫湯三益教
以服礬石圓已而飲啖日進遂加意服之越十月而
毒作鼻衄血斗餘自是數數不止竟至精液皆竭迨
於捐館偶見其語使人追痛因書之以戒未來者

宋洪

邁容齋
四筆


礬石食鼠而鼠死食蠶而蠶肥。蒙泉雜言
說郛

機謹按礬當作礬

陶隱居云今蜀漢亦有而好者出南康南野溪及彭
城界中洛陽城南漸常取少室生礬石內水中令水
不冰如此則生亦大熱今以黃土泥苞炭火燒之一
日一夕則解碎可用療冷結為良丹方及黃白術多
用之此又湘東新寧及零陵皆有白礬石能柔金唐
本註云此石能拒火久燒但解散不可奪其堅今市
人乃取潔白細理石當之燒即為灰非也此藥攻擊
積聚痼冷之病為良若以餘物代之療病無效正為

此也今漢川武當西遼坂名礬石谷此即是其真出處少室亦有粒細理不如漢中者也臣禹錫等謹按吳氏云白礬石一名鼠鄉神農岐伯辛有毒桐君有毒黃帝并有毒李氏云或生魏興或生少室十二月採山海經云臯塗之山有白石焉名曰礬可以毒鼠郭注云今礬石若鼠蠶食而肥也說文解字云礬毒石也博物志云鵲伏卵時取礬石周圍遶卵以助煖氣方術家取鵲巢中礬石為真嘉祐補註本草蒼石味甘平有毒主寒熱下氣瘰癧殺禽獸生西城

採無時陶隱居云俗中不復用莫識其狀唐本注云特生礬一名蒼礬石而梁州特生亦有青者今房陵漢川與白礬石同處有色青者並毒殺禽獸與礬石同漢中人亦取以毒鼠不入方用此石出梁州均州房州與二礬石同處特生蒼石並生西城在漢川金州也同上礬石生漢中山谷及少室今潞州亦有焉性大熱置水中令水不冰又堅而拒火燒之一日夕但解散而不奪其堅市人多取潔白石當之燒即為灰也此藥



攻擊積聚痼冷之病為良用之須真者乃佳又有特
生礬石生礬石生西城張華博物志云鶴伏卵取礬
石周圍遠卵以助煖氣方術家用之取鶴巢中者為
真即此特生礬石也然此色難得人多使漢中者外
形紫赤內白如霜中央有臼形狀如菌其塊小於白
礬石而肌粒大數倍乃如小豆許白礬石粒細才若
粟米耳又有握雪礬石出徐州西宋里山入土丈餘
生於爛土石間色白細軟如麪也又下條蒼石生西
城蘇恭云特生礬石一名蒼礬石而梁州特生亦有

青者房陵漢川與白礬石同處亦有青色者多與特
生同但不入方用而今醫家多只用礬石即白礬也
形類相近如此尤宜詳擇之耳古方治寒冷積聚皆
用礬石胡洽大露宿丸主寒冷百病方礬石鍊乾薑
桂心皂莢桔梗各三兩附子二兩六物搗篩蜜丸服
如梧子五丸日三漸增以知為度又有白奴露宿丸
硫黃丸並主積聚及飲食不下心腹堅實皆用礬石
近世乃少用者

本草
圖經

礬石并特生礬石博物志及陶隱居皆言此二石鶴

取之以壅卵如此則是一物也隱居又言仙經不云特生則止是前白礬石今補注但隨文解義不見特生之意蓋二條止是一物但以特生不特生為異耳所謂特生者不附著他石為特耳今用者絕少惟兩字礬石入藥然極須慎用其毒至甚及至論鶴巢中者又却從謬說鶴巢中皆無此石乃曰鶴常入水冷故取以壅卵如此則鸕鷀鴈鷺之類皆食於水亦自繁息生化復不用此二石其說徃徃取俗士之言未嘗究其實而窮其理也嘗官於順安軍親檢鶴巢中

無石矧礬石焉得處處有之然治久積及久病白腹冷有功直須慎用蓋其毒不可嘗

宋寇宗奭本草衍義

礬石有蒼白二種而蒼者多特生故此云一名蒼礬石則別錄蒼石係重出矣其功療皆相同今併為一

明李東璧本草綱目

礬義不解許氏說文云礬毒石也西山經云臯塗之山有白石其名白與可以毒鼠郭璞注云鼠食則死蠶食而肥則鼠鄉之意以此上同

礬石有數種白礬石蒼礬石紫礬石紅皮礬石桃花

礬石金星礬石銀星礬石特生礬石但是一物但以形色立名其性皆熱毒並可毒鼠制汞惟蒼白二色入藥用諸礬生于山則草木不生霜雪不積生于水則水不冰凍或有溫泉其氣之熱可知矣庚辛玉冊云礬陽石也生山谷水中濯出似礬有文理橫截在其中為佳伏火制砂汞其狀頗與方解石相似但投水不冰者為真其出金穴中者名握雪礬石上同別錄言礬石久服令人筋攣特生礬石久服延年丹書亦云礬石化為水能伏水銀煉入長生藥此皆方

士謬說也與服砒石汞長生之義同其死而無悔者乎上同

礬石性氣與砒石相近蓋亦其類也古方礬石礬石常相渾書蓋二字相似故誤耳然礬石性寒無毒礬石性熱有毒不可不審陸農師云礬石之力十倍鍾乳按洪容齋隨筆云王子敬靜息帖言礬石深是可疑凡喜散者輒發癰蓋散者寒食散也古人多服之中有礬石性熱有毒故云深可疑也劉表在荊州與王粲登鄆山見一岡不生百草粲曰此必古冢其人

在世服生礬石熱不出外故草木焦滅表掘之果有礬石滿瑩又今洛水不冰下亦有礬石人謂之溫洛是也取此石安甕中水亦不冰又鶴伏卵取石置巢中以助溫氣其性如此豈可服予兄文安公鎮金陵秋暑減食醫者湯三益教服礬石丸已而飲啖日進遂加意服之越十月而毒作衄血斗餘自是數數不止竟至精液皆竭而死時珍竊謂洪文安之病未必是礬石毒發蓋亦因其健啖自恃厚味房勞縱恣無忌以致精竭而死夫因感食而服石食既進則病去

藥當止矣而猶服之不已恃藥妄作是果藥之罪歟

同上

述征記洛水底有礬石故上無冰

明彭太翼山堂肆考

礬石出少室山性大熱置水中則不冰博物志曰鶴伏卵取此石繞之以助煖氣

明陳繼儒辟寒部

機謹按河南通志同

鶴善群飛薄霄激雨為之散作窠大如車輪卵如三升杯擇礬石以媪卵鶴水鳥也伏卵時數入水卵則不段卵取礬石周圍繞卵以助煖氣故方術家以鶴

煖巢中礬石為真物也明慎懋官華夷花木鳥獸珍玩考

礬石湯李賀詩華清源中礬石湯徘徊百鳳隨君王

明陳仁錫潛確類書

漢隱叢話新安之黃山閩中之劍浦亦有湯泉第多

作硫黃氣浴之則襲人肌膚惟驪山是礬石泉同上

郭曰今礬石殺鼠音豫蠶食之而肥○任臣案本草

經礬一名青分石一名立志石一名固羊石又名鼠

鄉以其能毒鼠也圖贊曰稟氣方殊舛錯理微礬石

殺鼠蠶食而肥物性雖反齊之一歸清吳任臣山海經廣注

礬砒○陸放翁言城固縣礬石數十百石可立取千

金方以礬乾薑烏頭名白奴露宿丹今入水者服信

說文礬出漢中正與放翁城固合蚕食之肥鼠食之

死智以礬即砒但有白黃紫色數種山海說文言毒

鼠而開寶本草始有砒今人不敢合耳砒出廣信府

曰信李時珍不載今地名固一欵也飛雲云漢中今


有盡而變耶抑人不知用耶○清

皖桐方氏浮山此藏軒物理小識礬石出少室山性大熱置水中則不冰博物志曰鶴

伏卵取此石繞之以助暖氣河南通志

礬石出火室山性大熱置水中則不冰見通志

縣志



特生礬石

一名蒼礬石

名醫別錄


一名蒼石

同上

一名鼠毒

草本

目綱



特生礬石

特生礬石陶隱居云舊鶴巢中者最佳鶴常入水冷故取以壅卵令熱今不可得惟用出漢中者其外形紫赤色內白如霜中央有白形狀如齒者佳大散方云又出荊州新城郡房陵縣縹白色為好用之亦先以黃土包燒之一日亦可內斧孔中燒之合玉壺諸丸用此仙經不云特生則止是前白礬石爾唐本注云陶所說特生云中如齒白形者是今出梁州北馬道戍澗中亦有之形塊小於白礬石而肌粒大數倍

嘉祐補註本草

乃如小豆許白礬石粒細若粟米爾
 礬石有數種白礬石蒼礬石紫礬石紅皮礬石桃花
 礬石金星礬石銀星礬石特生礬石俱是一物但以
 形色立名其性皆熱毒並可毒鼠制汞惟蒼白二色
 入藥用諸礬生于山則草木不生霜雪不積生于水
 則水不冰凍或有溫泉其氣之熱可知矣庚辛玉冊
 云礬陽石也生山谷水中濯出似礬有文理橫截在
 其中為佳伏火制砂汞其狀頗與方解石相似但投
 水不冰者為真其出金穴中者名握雪礬石

明李東璧本草

目細

石屬

特生礬石

握雪礬石

一名化公石

唐本草

一名石腦

同上

石屬

握雪礬石

一

握雪礬石

握雪礬石唐本注云出徐州西宋里山入土丈餘於
 爛土石間黃白色細軟如麪一名化公石一名石腦
 鍊服別有法唐本先附臣禹錫等謹按蜀本注云今
 據中品自有石腦一條主治與此甚別應似徐長卿
 一名鬼督郵之類也嘉祐補注本草
 謹按獨孤泊丹房鑑源云握雪礬石出曲灘澤盛寒
 時有髓生于石上可采一分結汞十兩又按南宮從
 峴樓神書云石液即丹礬之脂液也此石出襄陽曲


唐物類彙編卷之二十四
灘澤中或在山或在水色白而粗糲至冬月有脂液
出其上且則見日而伏當于日未出時以銅刀刮置
器內火煨通赤取出搯汁為丸其液沾處便如鐵色
以液一銖制水銀四兩器中火之立乾但此液亦不
多得乃神理所惜采時須用白雞清酒祭之此石華
山嵩山皆出而有脂腋者惟此曲灘又熊太古冀越
集亦言丹山礬十兩可乾汞十兩此乃人格物之精
發天地之祕也據三書所引則握雪礬石乃石之液
非土中石腦也蘓恭所說自是石腦其說與別錄及

陶弘景所注石腦相合不當復注于此又按詩書或
作礬石或作礬石未知孰是古書二字每每訛混以
理推之似是礬石礬石有毒礬石無毒故也
明李東璧本草

綱目


博物類彙編卷之二十四
石屬
握雪礬石
三

庶物類聚卷之十四




鶴石

一名長水石
月令
廣義



庶物類聚卷之十四

石屬 鶴石



鸛石

鸛泥其巢一傍為池以石宿水今人謂之鸛石飛則將之取魚置池中稍稍以飼其雛禽經曰鸛俯鳴則陰仰鳴則晴明慎懋官華夷花木鳥獸珍玩考鸛有長水石故于巢中養魚明馮應京月令廣義

麻生
物類
考
卷
二
十四

